



Sel Prestuhn Thomas S. Monson

# Luhngse— Ip Yohk ke Wosasuc

*Kuht tiac kuh in luhngse God na pwacye kuht fin tiac luhngse mwet forfor wiyacsr ke moul in fuhfahsryucsr se inge.*

Tamuhlwel ac tahmtahel wolacna wiyuck, ke Mwet Lahngo lasr El luti inmahrilon mwet uh, mwet liyacacng masap se siyuck Sel, “Mwet luti, pia ma sap se ma yohk oemeet ke Ma Sap uh?”

Matthew el suhmuhslah top luhn Jisus:

“Ac Jisus El fahk, Kom fah lungse Leum God lom ke insiom kewa, ac ke ngunum kewa, ac ke nunkom kewa.

“Pa inge ma sap se ma yohk oemeet ac yohk sripa oemeet.

“Ma Sap se akluo yohk sripa oapana ma se meet an, ‘Kom fah lungse mwet tulan lom oana kom lungse kom sifana.’”<sup>1</sup>

Mark el kaliyac sramsram lal ke fahkwack luhn Mwet Lahngo: “Wangin sie pac ma sap yohk liki ma luo inge.”<sup>2</sup>

Kuht tiac kuh in luhngse God na pwacye kuht fin tiac luhngse mwet tuhlan lasr ke fuhfahsryucsr fin facluh se inge. Oacpacna, kuht tiac kuh in luhngse nohfohn mwet tuhlan lasr kuht fin tiac luhngse God, Pahpah tuhmasr nohfohn. Mwet Sap John el

luti kuht, “Ma sap se ma Christ El ase nu sesr uh pa inge: kutena mwet su lungse God, enenu elan lungse pac mwet lulalfongi wial.”<sup>3</sup> Kuht nohfohn pa tuhlihkuh nguhn nuhtin Pahpah tuhmasr Inkuhsrao ac, ke ma inge, pa tamuhlwel ac tahmtahel uh. Ke kuht liyacacng ma pwacye se inge ke nuhnak lasr, luhngse tuhlihkuh nuhkwewa nuhtin God fah fihsracsrlah.

Pwacyena, luhngse pa ip yohk emet ke wosasuc, ac Jisus Kraist pa Mwet Srihkasrak lasr. Moul Lal sesseslah ke luhngse. Mwet mas El ahkkweyelah; mwet suc puhla toasr El ahkmuhlahlahyelah; mwet koluk El molwelah. Ke sahflahiyac ah un mwet kahsrkuhsrak ah eslah moul Lal. Tuhsruhktuh ke finohl Golgotha kuht lohng kahs: “Papa, nunak munas nu selos, tuh elos tia etu ma elos oru uh”<sup>4</sup>— sie fahkwack pwacye fin facluh ke pahkomuhta ac luhngse.

Oasr ohiyac pucspucs in ahkkahlwemye luhngse, ma oacna kuhlwasacng, mongfihsracsr, tiac srohwohsr, etatwen, ac nuhnak muhnahs. Ke mukwikwi nuhkwewa lasr,

pa inge ohiyac ma kuh in kahsrkuh mwet sahyac in liye luhngse lasr ke insiyacsr.

Inkaiyacn pacl uh luhngse lasr ahkkahlwemyeyuck ke mukwikwi lasr ke kais sie lwen yurin sie sin sie. Ma yohk srihpac pa kuht fin kuh in akikhlen nuh ke mwe enenuh luhn mwet se ac in kahsrkuh. Nga luhngse ma ahkkahlwemyeyuck ke sramsram fototo inge:

*Nga tuhng ke fong  
Mweyen upac in liye  
Ke mwe enenuh luhn mwet se;  
Tuhsruhktuh nga soenna  
Puhla sie auli  
Ke in kuhlwasacng yohklac.*<sup>5</sup>

Fahna tari nga lohng ke srihkasrak emtucng ke kuhlwasacng ac luhngse— sie ma ac sikyak ac tiac liyeyuck. Yac sac pa 1933, ke srihpen pacl luhn Ongaiyac Yohk, orekma uh upac na pwacye in sukoyak. Acn sacn pa acn kuhtuhlacp ke acn United States. Arlene Biesecker el tuhfhahna srolah ke high school. Tukun el suk ke orekma ke pacl loes, el sokwack orekma ke acn in orek nuknuk oacna sie mwet tuhta. Mwet orekma we ah eis mani muhkwena ke kais sie ipin nuknuk elos twacni wo ke lwen se. Ke elos orwaclah nuknuk puhs, elos eis mani yohk.

Sie lwen ah tiac paht tukun el muhtwacwacack orekma, Arlene el eis orekma ma el fohsack ac suhluhngyak kac. El muhta ke mwe tuhta lal ah ac srihke in sifilpac ahkwacyelah tahfonglac lal el in muh kuh in ahksahfye nuknuk el orekma kac an. Luhman oacna in wacngihn mwet

ke kahswel, mweyen mwet orekma nuhkewewa sahyac silahklahk in ahksahfye nuknuk nuhkewewa elos kuh in orwacalah. Arlene el puhla suhkahswelah ac sefinsrak. Kahkashrihk, el muhtwacwacack in tuhng.

Fototo nuh yohrohl Arlene, Bernice Rock el muhta. El mahtuh ac yohk etuh lal oacna sie mwet tuhta. Ke el liye elyah lal Arlene, Bernice el som liki orekma lal ac som nuh siskacl Arlene, ac kuhlwcacng in lotwel ac sang kahsrüh. El muhta ne ke na pacl se Arlene el etwacalah ac kuh in ahksahfyelah nohfohn ip sac. Na Bernice el fohlohk nuh ke kuhfa lal sifacna, ac tiac kuh in eis pacl wo in ahksahfye ipin nuknuk puhs ma el luhkuhn kuh in orwacalah, el fin tiac kahsrüh.

Ke mukwikwi ke luhngse ac kuhlwacng se inge, Bernice ac Arlene kawuckyak ke moul lalos nohfohn. Kais sie pahyuckyak ac oasr tuhlihk nah-tuh. Kuhtuh pacl ke 1950 ah, Bernice, suc pa sie mempucr ke Alu uh, el sang nuh sel Arlene ac sucu lal ah sie kapi ke Puk luhn Mormon. Ke 1960, Arlene ac mukul tuhmwac ac tuhlihk nahtuhl ah pacptaislac mempucr luhn Alu uh. Tohkoh elos siliyucki ke sie tempuhl muhtahl luhn God.

Ke srihpen pahkomuhta ma ahkkahlwemyeyuck sel Bernice ke el som liki acn lal in kahsrüh sie suc el nihkihn tuhsruhktuh oasr elyah ac enenuh kahsrüh, mwet pucspucs, kwewana mwet moul ac misac, ingena engankihn akwuck in molwelah luhn wosasuc uh.

Kais sie lwen ke moul lasr kuht eis pacl wo in ahkkahlwemye luhngse ac kuhlwcacng nuh sin mwet raunikuhtlac uh. Prestuhn Spencer W. Kimball el fahk: “Kuht enenuh in esam lah mwet kuht ohsun nuh se ke acn in park stosah, ohfohs, elevator, ac acn sahyac an pa kain mwet ma God El use nuh sesr in luhngse ac kuhlwcacngsapuh. Wacngihn srihpac in sruhmuhn lah mwet uh ma wiyacsr fin kuht koflah nuhnuh lah mwet suc raunikuhtlac pa tamuhlwel ac tahmtahel wiyacsr uh.”<sup>6</sup>

Inkaiyen pacl uh pacl wowo lasr in ahkkahlwemye lah luhngse lasr uh tuhkuh ke oacna sie pacl. Sie srihkaskrak ke kain pacl wowo se inge sikyak ke newspaper ke Ohktohpä 1981. Nga fwefwelac ke luhngse ac pahkomuhta lah nga liyacacng pwe-puh sihpsihplac se kac ah ke pwepuh nuhtihk oan ahluhkwelah yac 30.

Pwepuh sac fahk lah oasr aksohk ma tiac tui ke Alaska Airlines ma oacyak liki acn Anchorage, Alaska, nuh Seattle, Washington—flight se ma oasr mwet 150—tuh kuhflah nuh ke sie mura srwenglah fin acn Alaska in uslah sie tuhlihk kihnet upac. Tuhlihk mukul yac luo sac seyac soko ahlko ke pahol ke el puhtatlac nuh ke sie ipin kuhlahs ke el sritacl sissen lohm sel ah. Mura sacn oan mael 450 (725 km) epang fin acn Anchorage ac tiac oasr ke inkacnek in sohk luhn aksohk sacn. Tuhsruhktuh, taktuh ma oasr we ah suhpwacalah sie nguhsr elyah ke kahsrüh, ac na aksohk sacn kuhflah in sruhkwick tuhlihk sac ac usacl nuh Seattle elan muh kuh in unweyucklac lun sie lohm ono.

Ke aksohk sac ai sun sissen mura sac, taktuh an fahk nuh sel pilot lah tuhlihk mukul sac yohklac srah som kac, el kuh in tiac pain moullac ke sohklah se nuh Seattle an. Sie sulac-lah oreklac in sifilpac sohk mael 200 (320 km) liki acn sahyac nuh Juneau, Alaska, siti se ma fototo emet nuh ke sie lohm ono.

Tukun elos us tuhlihk mukul sac nuh fin acn Juneau ah, aksohk sac som nuh Seattle, ingena fahsr tukun ao la na pwacye an. Tiac siefanna mwet tohrkahskahs, finne inkaiyaclos ac pahtlac nuh ke appointment kuh flight tohkohyang an. Tuhsruhktuh, ke minit ac ao somlah, elos oracni mani, ac oracni luhpah yohk se in sang nuh sin tuhlihk mukul sacn ac sucu lal an.

Ke aksohk sacn apkuhran in ai fin acn Seattle, mwet nuhkewewa engawack in lohng ke paeluht el ahkkahlwemye lah el lohng ke radio ah lah tuhlihk mukul sac ac wona.<sup>7</sup>

Ke nuhnak luhk uh tuhkuh kahs ke ma suhmuhslah: Luhngse pwacye pa luhngse suwohs luhn Kraist, ac kuhtwena mwet suc sukokyak in sruokyac ma inge ke lwen sahflah, ac fah wo nuh sel.<sup>8</sup>

Tamuhlwel ac tahmtahel, kuhtuh pacl ma wo emet in ahkkahlwemye luhngse lasr sikyak lun pihsinkacn lohm sesr sifacna uh. Luhngse uh enenuh in pa ma yohk srihpac ke moul luhn sucu, tuhsruhktuh kuh-tuh pacl uh tiac. Kuh in yohklac mongsa, yohklac akuhkuhin, yohklac acnwuck, yohklac sronin muhta. Prestuhn Gordon B. Hinckley el ahsor in siyuck: “Eful kuh [mwet] suc kuht luhngse yohk [emet] uh kwacna pa mwet ma eis kahs kohu lasr uh? Eful kuh [kuht] kuhtuh pacl uh srihke in ahkngalye ma muhsahllah upac uh?”<sup>9</sup> Top nuh ke kihsen siyuck inge kuh in siena nuh sin kais sie sesr, tuhsruhktuh ma yohk emet pa srihpac uh tiac yohk srihpac. Kuht fin kuh in liyacacng masap in luhngse sie sin sie, kuht enenuh in karihngihn sie sin sie ke kuhlwcacng ac suhnak.

Pwacye oasr pacl ke kaiyuck enenuh in sikyak. Lwelah kuht in esam, tuhsruhktuh, mwe kaiyuck sukokyak ke Doctrine and Covenants—ma fahk, lah ke yohk srihpac nuh sesr in kai sie mwet sahyac, tohkoh kuht ahkkahlwemye yohkwaclihk luhn luhngse.<sup>10</sup>

Nga finsrak tuh kuht in kampare lwen nuhkewewa in nuhnuh ac karihngihn nuhnak ac puhla ac ohiyac luhn mwet raunikuhtyak uh. Lwelah kuht in tiac ahkkolukye kuh srihk-kihn. Tuhsruhktuh, lwelah kuht in kuhlwcacng ac ahkkweye. Kuht enenuh in taran tuh kuht in tiac kuhnaoslah luhlalfongi luhn mwet sahyac ke kahs kuh mukwikwi suhfal.

Nuhnak muhnahs enenuh in wi na luhngse. Yurun sucu lasr, oacyacpac yurun kawuck lasr, kuh in oasr puhla ahsor ac tiac insese. Sifilpac, tiac yohk srihpac srihkiyen ma sikyak an. Tiac kuh ac tiac enenuh in fihliyuucki in muhsahllah, in koluklac, ac sie lwen kuhnausyucklac. Nuhnkuhnkuh mwet

uh oruh kihnet uh in tiac mahlah. Nuhnak muhnaht muhkwena unwelah.

Sie muhtwacn kahto suc misac tari tuh ohsun nuh sihk ke lwen se ac sramsram nuh sihk ke kuhtuh auli lal. El sramsram ke ma sikyak ke yac pucspucs somlah ke sie mwet tuhlan suc orek imac, kawuck wo se sie pacl ah tuhsruhktuh el sie mwet ma el ac mukul tuhmwacl tiac insese nuh se ke pacl pucspucs. Sie lwen ah mwet imac sac siyuck fin el kuh in oruh sie ahkfototy ke tuhpallah acn luhn muhtwacn sacn in sun imac lal sifacna an. Ke pacl in sramsram se inge el tui, ac ke puhsra ahsor, fahk, "Tamuhlwel Monson, nga tiacna lwelah elan tuhpallah acn lasr an tuhsruhktuh fahk nuh sel in fahsr na ke ohiyac loeloes in sun acn lal an. Stuhuh sihk, ac nga auli kac. El misac tari, tuh we, nga finsrak ngan kuh in fahk nuh sel, 'Sislah koluk luhk.' Nga arulacna finsrak ngan kuh in eis pacl ahkluo in kuhlwacong."

Ke nga lohng sramsram lal, oasr nuhnak tuhkuh nuh sihk ke ma ahsor nga liye sel John Greenleaf Whittier: "Ke kaks ahsor nuh kwewa ke fahk kuh sihm, ma ahsor emet uh pa inge: 'Sahp kuh in sikyak!'"<sup>11</sup> Tamuhlwel ac tahmtahel, ke kuht luhngse ac

kuhlwacong nuh sin mwet sahyac, kuht ac tiac puhla auli.

Luhngse kuh in ahkkahlwemyeyuck ke ohiyac puhs: sie isracsr, sie pain, sie fahk srihk, sie fahk wo. Ohiyac sahyac ma akihlenyuck ke ohiyac sahyac pa, in ke etuh ke mukwikwi luhn mwet sahyac, luti ip yohk se ke kuhlwacong ac mongfihswacsr, ohsun nuh sin sie suc mas kuh muhta na lohman ah. Kaks ac mukwikwi inge ac ma puhs sahyac kuh in ahkkahlwemyeyuck luhngse.

Dale Carnegie, sie mwet sihm ac luti etweyuck yohk fin acn America, luhlahlfongi lah kais sie mwet oasr "kuh la sifacna in ahkyohkye engan luhn facluh . . . ke sang kuhtuh kaks pwacye ke kuloh nuh sin sie suc muhkahimtacl kuh toasr." El fahk, "Sahp kom fah muhluhnlah lutu ke kaks kuhlwacong ma kom fahk mihse- nge uh, tuhsruhktuh mwet eis uh fah esam ke moullal nohfohn."<sup>12</sup>

Lwelah kuht in muhtwacwacack ingena, ke lwen se inge, in ahkkahlwemyeyuck luhngse nuh sin tuhlihk nuhkewewa nuhtin God, finne mwet ke sucu lasr, kawuck lasr, mwet tuhlan lasr, kuh mwet kuht nihkihn. Ke kuht tuhkahkwek ke kais sie lututacng, lwe- lah kuht in mukwikwi ke luhngse ac kuhlwacong ke kuhtwena ma sikyak.

Ke ma kuht tiac kuh in kahlwem kac, tamuhlwel ac tahmtahel wiyuck, pa luhngse luhn God nuh sesr. Ke srihpen luhngse inge, El suhpwacma Wen Nahtuhl, suc luhngse kuht fal in sang moullal kacsr, tuh kuht in kuh in eis moullal ma pahtpaht. Ke kuht muhtwacwacack in kahlwem ke mwe sang yohk inge, insiacsr fah sesseslah ke luhngse nuh sin Pahpah tuhmasr Inkuhsrao, nuh sin Mwet Lahngo lasr, ac nuh sin mwet nuhkewewa. Tuh ma ingacn in kuh in pa pruhe pwacye luhk ke ine muhtahl luhn Jisus Kraist, amen.


#### MWE KAHSRUH

1. Matthew 22:36–39
2. Mark 12:31
3. 1 John 4:21
4. Luke 23:34.
5. Mwet sihm tiac etweyuck, ke Richard L. Evans, "The Quality of Kindness," *Improvement Era*, Mei 1960, 340.
6. *The Teachings of Spencer W. Kimball*, ed. Edward L. Kimball (1982), 483.
7. Liye "Injured Boy Flown to Safety," *Daily Sitka Sentinel* (Alaska), Ohktoha 22, 1981.
8. Liye Moroni 7:47.
9. Gordon B. Hinckley, "Let Love Be the Lodestar of Your Life," *Ensign*, Mei 1989, 67.
10. Liye Doctrine and Covenants 121:43.
11. "Maud Muller," ke *The Complete Poetical Works of John Greenleaf Whittier* (1878), 206; ahkuhtweyac wo ituckyang.
12. Dale Carnegie, ke, nuh ke mwe srihkasrak, Larry Chang, *Wisdom for the Soul* (2006), 54.

## Luti ke Pacl Lasr uh

**K**e Mei 2014 nuh ke Ohktoha 2014, lesin luhn Melchizedek Pristut ac Rilif Sosaiti nuh ke Sacnri ahk ahkosr enenuh in ahkoeyucklac ke sie kuh puhs liki sramsram oreklac ke toeni luhlahp ke Eprel 2014 ah. Ke Ohktoha 2014, sramsram an ac suleyucklac ke kwewana toeni luhlahp ke Eprel 2014 kuh Ohktoha 2014. Prestuhn luhn stek ac tistrik an enenuh in sulacalah sramsram ma ac orekmakihnyuck ke acn selos an, kuh elos kuh in ahol kunohkohn se inge nuh sin prestihn luhn pisap ac pracns an.

Sramsram uh oasr ke kain kaks pucspucs ke [conference.lds.org](http://conference.lds.org).



Sel Prestuhn Henry B. Eyring  
Mwet in Kahsruh Se Met ke Prestuhnsi Se Met

# Mwe Usru Sacohk luhn Finsrak

*Ke kowos sulaclah lah kowos ac oruh kuh karihngihn sie olwelah nuh sin God, kowos sulaclah lah kowos ac fihliyac sie usru luhn finsrak nuh selos suc kuh in muh ukwe mwe srihkasrak lowos an.*

**T**amuhlwel ac tahmtahel wolacna wiyuck an, kuhtuh suwos suli-yuck nuh ke miting se inge sin misineri ke Alu luhn Jisus Kraist luhn Mwet Luhlahlfongi ke Lwen-sahflah. Misineri ingacn sah p suli kowos tari in orwacлах sulaclah in oruh olweacng nuh sin God in pacptaislac.

Kuhtuh sahyac suwos lohng ke srihpen kowos insese nuh ke solsol se luhn pahpah ninac, kuh sah p sie tuhlihk, tahfweoht nuh suwos ke finsrak tuh kowos in sulaclah in oruh olweacng kowos orwacлах tari nuh sin God in sifilpac lohacng ke moul lowos an. Kuhtuh suwos suc lohng an sulaclah tari in fohlohk nuh yurun Mwet Lahngo ac kowos puhla mihse-nge mwe engan ke pain Lal.

Finne suc kowos an ac oacna sie acn kowos oasr we an, kowos sruok in pouwos engan se luhn mwet puhs liki ma kowos kuh in motko kac ingena. Lwen nuhkewewa ac ao nuhkewewa kowos kuh in sulaclah in

oruh kuh karihngihn sie olweacng nuh sin God.

Oacna sie acn kowos oasr we ke inkacnek soko in usru mwe sang luhn moul ma pahtpaht, kowos sruok in pouwos pacl wowo in ahkkahlwemye nuh sin mwet puhs inkacnek nuh ke engan yohk. Ke kowos sulaclah lah kowos ac oruh kuh karihngihn sie olwelah nuh sin God uh, kowos sulaclah lah kowos ac fihliyac sie usru luhn finsrak nuh selos suc kuh in muh ukwe mwe srihkasrak lowos an.

Kowos ac nga ahkinsewowoye-yuck tari ke olwelah se ke kain usru se. Nga soemoul yohk ke engan luhk uh nuh sin mukul se nga tiacna ohsun nuh se ke moul suhkawihl. El sie tuhlihk muhkahimtacl suc fahsr ne el sie sin pahpah tuhman pahpah mahtuh tuhmuhk. El fihliyac nuh sihk mwe usru sacohk luhn finsrak. Lwe-lah ngan fahk nuh suwos kuhtuh ip ke kunohkohn in moul lal in orwacлах usru sacn nuh sihk.

Inel pa Heinrich Eyring. El isuslac nuh sin sie sucu kahsruh p. Pahpah tuhmwacl ah oasr lohm na luhlahp se sel fin acn Coburg, ke acn ma inge etweyuck muh Germany. Ninac kiyac ah pa Viscountess Charlotte Von Blomberg, Viscountess ine fuhlwacl se. Pahpah tuhmwacl ah mwet liyac-acng acn luhn Tohkohsrah luhn acn Prussia.

Heinrich pa tuhlihk mukul se emet nahtuhl Charlotte ac Edward. Charlotte el misac ke el yac 31, tukun isuslah luhn tuhlihk ahktolu nahtuhl. Edward el misac tohkohyang, ke wacngihnlac nohfohn ma lal ac acn sel ac ma kahsruh ke mani wacngihnlac ah. El matwac yac na 40. El som sislah tuhlihk muhkahimtaclac tolu nahtuhl ah.

Heinrich, pahpah tuhman pahpah mahtuh tuhmuhk ah, wacngihnlac kwewa pahpah ac ninac kiyac ac sie usru na yohk se lal fin facluh. Wacngihn mani lal. El suhmuhslah ke sramsram mahtuh lal lah el puhla lah finsrak wo emet ke pacl fahsruh lal uh pa in som nuh America. El ne wacngihn sucu kuh kawuck lal we, oasr puhla luhn finsrak se lal in som nuh America. El som nuh New York City emet. Tohkoh el wi tuhlihk muhtwacn se wiyac ah mukwi nuh St. Louis, Missouri.

Fin acn St. Louis, sie sin mwet weluhl orekma ah pa sie Mwet Luhlahlfongi ke Lwen-sahflah. Sel me el eis sie kapi ke sie puk srihsrihk sihmlac sel Elder Parley P. Pratt. El ritwelah na lutlut ke kaks nuhkewewa el kuh in eis ke Mwet Luhlahlfongi ke Lwen-sahflah uh. El pruhe in etuh fin pwacye lah oasr lipufacn ma sikyng nuh sin mwet uh, fin pwacye

oasr sie mwet pahluh mouh, ac fin pwacye el sokwack sie alu pwacye ac ahkkahlwemyeyuck.

Tukun mahlwem luo in lutlut wo ac pruhe, Heinrich el mwemwe muh fwackyuck nuh sel in pacptaislac. Mukul se suc inel ac wal luhn pristut la nga sruok ke mwe esam muhtahl, Elder William Brown, elan oruh akwuck sac. Heinrich el pacptaislac ke luhluh in kof ke af in Mahs 11, 1855, ke ao 7:30 ke lututacng ah.

Nga luhlahlfongi muh Heinrich Eyring el etuh na met lah ma nga luti kowos kac mihsenge uh pwacye. El etuh lah engan ke mouh ma pahtpaht tuhkuh ke kuhpahs luhn sucu se suc tuhtahflah ne tok ma pahtpaht. Finne ke pacl se el tuhfahna konwack plwacn in engan luhn Leum ah, el etuh lah finsrak lal ke pwacr ma pahtpaht uh muhngngweyuck ke sulaclah sukohsohk luhn mwet sahyac in ukwe mwe srihkasrak lal. Finsrak luhn engan ma pahtpaht lal muhngngweyuck sin mwet suc soenna isuslac.

In ip se ke usru luhn finsrak luhn sucu lasr uh, el fihliyac sie sramsram mahtuh nuh sin mwet ke elaksraonak lal.

Ke ritiyacn sramsram mahtuh sacn nga puhlakihn luhngse lal nuh sesr suc ac ukwac. Ke kahs lal nga puhla finsrak lal lah mwet ke elaksraonak lal fah sulaclah in ukwac ke inkacnek soko ma ac fohlohk nuh lohmsesr inkuhsrao. El etuh lah ac tiac sie sulaclah yohk in oruh oacna tuhsruhksulaclah srihsrihk pucspucs. Nga fahk kahs lal:

“Ke pacl se emet nga lohng sramsram lal Elder Andrus ah . . . nga wi pacl nuhkwewa nuh ke miting luhn Mwet Luhlahlfongi ke Lwen-sahflah ac pacl ma nga tiac kuh in wi miting ah puh, mweyen ma kunuck in wi miting inge.

“Nga suhmuhslah ma se inge ke sramsram mahtuh luhk tuh tuhlihk nuhtihk in etahi mwe srihkasrak luhk ac in tiac pihlesruh kunohkohn yohk srihpac se inge in tuhkweni nuh yurun Mwet Luhlahlfongi uh.”<sup>1</sup>

Heinrich el etuh lah ke miting ke kuhfa luhn Leum uh kuht kuh in ahksasucye olwelah lasr in esam Mwet Lahngo pacl nuhkwewa ac eis Nguhn Lal in wi kuht.

Nguhn sac pa ahkkweyacllah ke misin se el tuh pahngyak nuh kac ke mahlwem na ekahs tukun el insese nuh ke olweacng luhn pacptais ah. El fihliyac mwe usru lal ke mwe srikasrak lal in oaru nuh ke misin lal ke yac ohnkohts ke acn ma met tuh pahngpahng Acn luhn Indian. In eis fihlfihllac lal ke misin lal, el fahs Oklahoma lac nuh Salt Lake City, lusac mael 1,100 (1,700 km).

Tohkohyang na el pahngyak sin mwet pahluh luhn God in mukwi nuh lwacyacn epang Utah. Ke acn we el topuk siepac pahng in kuhlwasncsap ke sie misin ke acn sel Germany. Na el insese nuh ke solsol se sin sie Mwet Sap luhn Leum Jisus Kraist in kahsruh muhsahi acn sin un mwet luhn Mwet Luhlahlfongi ke Lwen-sahflah lwacyacn acir fin acn Mexico. Ke acn we el tuh pahngyak in ekihn misineri ke pacl nuhkwewa nuh Mexico City. El ahkfalyelah pahng ingacn. El misac puckpucki ke sie inkucluyuck srihsrihk e Colonia Juárez, Chihuahua, Mexico.

Nga tiac fahk ma pwacye inge ke srihpac ma in fahkkihni woiyac kuh woiyacn ma el oruh ah kuh woiyacn mwet ke elaksraonak lal. Nga fahk kac in suhnakkuhnuhl ke mwe srihkasrak luhn luhlahlfongi ac finsrak ma oasr insiac.

El insesela nuh ke pahng ingacn ke srihpac luhlahlfongi lal lah Kraist moulyak ac Pahpah tuhmasr Inkuhsrao sikyng nuh sel Joseph Smith ke un sahk fin acn New York. El insesela nuh kac ke srihpac oasr luhlahlfongi lal lah ki luhn Pristut ke Alu luhn Leum uh fohlohkihnyuckyak ke kuh se in siliyac sucu uh ne tok ma pahtpaht, fin oasr na luhlahlfongi fal lalos in karihngihn olweacng lalos.

In oacna Heinrich Eyring, mwet mahtuh luhk, kowos kuh in pa emet ke sucu lowos an in kol inkacnek nuh ke mouh ma pahtpaht ma fahs

ke inkacnek luhn olweacng muhtahl oreklac ac karihngihnyuck ke oaru ac luhlahlfongi. Kais sie olweacng oasr kunohkohn ac olwelah kac. Nuh sesr nuhkwewa, oacna ke oasr sel Heinrich, kunohkohn ingacn kuhtuh pacl uh fihsrwacs tuhsruhkwacna upac. Tuhsruhkwacn, kunohkohn uh enenuh in upac kuhtuh pacl uh mweyen srihpac la uh pa in pahtok kuht nuh met ke inkacnek in mouh ne tok yurun Pahpah Lucng ac Wen Kuloh Nahtuhl, Jisus Kraist, ke sucu.

Kowos esam kahs ke puk lal Abraham:

God El ahkkahlwemye nuh sel Abraham lah oasr sie selos ma oacna God, ac El fahk nuh selos suc weluhl lah elos enenuh in som nuh ten ac orekmakihn kuhfa ingacn ac orwacalah facluh se ma kuht kuh in muhta we.

God El fahk lah elos ac srihke kuht in liye lah kuht ac kuh in oruh ma nuh kwewa ma Leum God lasr ac sapkihni nuh sesr uh.

“Ac kuht fin karihngihn lohmsahflah se emet sesr; ac fah tuhtahflah pihsacs, ac kuht fin tiac karihngihn lohmsahflah se emet sesr uh; ac fah wacngihn wolacna luhn facluh ke tohkohsrahi sefanna weluhlos suc karihngihn lohmsahflah se emet selos uh; ac elos suc karihngihn lohmsahflah se ahkluo selos an fah laisyucklac wolacna nuh selos ne tok ma pahtpaht.”<sup>2</sup>

Karihngihn lohmsahflah ahkluo sesr uh muhngngweyuck nuh ke oruh luhn olweacng lasr nuh sin God ac oaru in oruh orekma enenweyuck kac sesr uh. Enenuh luhlahlfongi ke Jisus Kraist in oa Mwet Lahngo lasr in karihngihn olweacng muhtahl nuh ke lusacn mouh uh.

Ke srihpac Adam ac Eve puhtat-lac ah, oasr mwe sruh, ma upac, ac misac in oacna mwe usru yohk lasr. Tuhsruktuh, Pahpah pahkotwen tuhmasr Inkuhsrao El acse nuh sesr mwe sang luhn Wen Kuloh Nahtuhl, Jisus Kraist, in ekihn Mwet Lahngo lasr. Mwe sang yohk sacn ac mwe in-sewowo ke Iwacalah luhn Jisus Kraist use mwe usru yohk: olwelah ke Sifil

Moulyak sac ac kuh luhn moul ma pahtpaht nuh sin mwet nuhkewewa suc isuslac.

Mwe insewowo yohk liki nuhkewewa luhn God, moul ma pahtpaht, fah tuhkuh nuh sesr kuht fin oruh olweacng ma oasr ke Alu pwacye se luhn Jisus Kraist sin mwet kuhlwasn-sap suc oasr kuh la Sel. Ke srihpen Puhtatlac sac, kuht nuhkewewa enenuh oruh luhn ahknwacsnwacs ke pacptais ac ke fihl po fin sifac in eis mwe sang luhn Nguhn Muhtahl. Akwuck inge enenuh in oreklac selos suc oasr kuh luhn pristut fal la. Na, ke kahsrh ke Nguhn luhn Kraist ac Nguhn Muhtahl, kuht kuh in karihgihn olweacng nuhkewewa kuht oruh nuh sin God, yohkna ke ma oasr lun tempuhl Lal. Ke inkacnek sac muhkwen, ac ke kahsrh sac, ma mwet nuhkewewa kuh in eis mwe usru suwohs lalos in ekihn tuhlihk nuhtin God ke sucu ma pahtpaht.

Nuh sin kuhtuh suc lohng fahk luhk uh, ma luhman apkuhran in sie mwemwe ma wacngihn finsrak kac.

Kowos liye tari pahpah ninac oaru ma ahsor sin tuhlihk ma kihpack-lac kuh suc ma sulaclah in kuhnaus olweacng lalos sin God. Tuhsruh pahpah ninac ingacn sokwack ahkpwacr ac finsrak ke ma puhla-kihnyuck luhn kuhtuh pahpah ninac sahyac an.

Alma ac wen nahtuhl Tohkohsrah Mosiah auliyak ke fohlkaks upac nuh ke olweacng ac masap luhn God. Alma Fuhsr el liyacack tuhlihk mukul nahtuhl suc pa Corianton ke el eklac liki orekma koluk nuh ke kuhlwasn-sap oaru. Puk luhn Mormon suh-muhsrah pac mwenmwen luhn mwet Laman ma tilac orek ke facsin luhn srahngwesroa ke ma suwohswohs in olweacng in misac in karihgihn mihs ah.

Lihpufacn se tuh suhpweyucklac nuh yohrohl Alma fuhsr ac wen nahtuhl Mosiah. Lihpufacn sac tuhkuh ke srihpen luhlhlafongi ac pruhe luhn pahpah tuhmwaclos ac sin mwet luhn God. Ke mwe srihkasrak ingacn ke kuh luhn Iwacalah mokle insiacn

mwet uh, kowos kuh in eis puhlaik ac ahkpwacr.

Leum El acse tari nuh sesr ma nuhkewewa ke finsrak ke kuht kampare in kahsrwelos suc kuht luhngse in inese nuh ke mwe usru ma pahtpaht lalos. El orwacalah tari olwelah nuh sesr ke kuht srihke in orwacni mwet uh nuh Yohrohl, finne ke elos sruhnga mwe solsol Lal in oruh. Sruhnga lalos ahksuhpwacryacl, tuhsruh El tiac fuhlweack, ac kuht tiac pac enenuh in fuhlweack. El orwacalah mwe srihkasrak wowo se nuh sesr ke luhngse tiac tui Lal: El fahk nuh sin mwet Israel lah El ac orwacalah- lweni oacna ke won muhtwacn se orwacni won nahtuhl ye pahol uh. El ac orwacni mwet Israel weacng mwet ma misac America ke pacl se El misac ah ac elos suc muhta Jerusalem-oacna ke won muhtwacn se orwacni won nahtuhl, tuhsruh elos ac tiac lwelah nuh Sel.<sup>3</sup>

Kuht kuh in muhgnguh kena ma tiac kuh in tiac oreklac luhn Mwet Lahngo in fohlohkohnma nohfohn tuhlihk nguhn nuhtin Pahpah Lucng nuh lohm selos nuh Yohrohl. Pahpah ninac, pahpah ninac mahtuh, pahpah ninac kiyacn pahpah ninac mahtuh oaru nuh kwewa akacsruhi ke kena sacn. Pahpah Lucng ac Mwet Lahngo pa mwe srihkasrak suwohs lasr ke ma kuht kuh ac enenuh in oruh uh. Elos tiac wi kwacfe kuht in oruh sulaclah suwohswohs ke srihpen ma suwohswohs uh enenuh in suleyucklac. Elos oruh kuht in kuh in akihlen ma suwohswohs uh, ac Elos lwelah kuht in liye engan sacn tuhkuh ke sulaclah suwohswohs.

Mwet nuh kwewa isuslac nuh facluh eis Kahlwem luhn Kraist, suc kahsrwe kuht in liye ac puhla ma pwacye ac ma suhtuhuh. God El suhpwacma mwet kuhlwasn-sap moul suc kuh, ke Nguhn Muhtahl, in kahsrwe kuht akihlen ma El acse kuht in oruh ac ma El sruhnga. God El oruh in kahto in sulaclah ma pwacye ke El lwelah kuht in puhla usrwen sulaclah lasr uh. Kuht fin sulaclah ma pwacye, kuht ac sokwack engan—ke

pacl fal. Kuht fin sulaclah ma koluk, ac oasr ahsor ac welah—ke pacl fal. Usrac ingacn pwacye. Tuhsruh elos kwacna kohtlah ke sie srihpac. Mwe insewowo uh fin sana, sulaclah ma pwacye uh ac tiac muhsahi luhlhlafongi. Ac ke ahsor uh pac kuhtuh pacl uh kohtlah yohk, enenuh in oasr luhlhlafongi in puhla enenuh se in sana suk nuhnak muhnahs ke ma koluk likina tukun kuht puhla usrwen ahsor ac ngal kac.

Pahpah Lehi el ahsor ke sulaclah oreklac sin kuhtuh sin wen nahtuhl ac sucu lalos. El mukul wowo ac suwohswohs se—mwet pahluh se luhn God. El kwacna fahkwack ke Mwet Lahngo lasr, Jisus Kraist, nuh selos. El mwe srihkasrak se ke ahkostwen ac kuhlwasn-sap ke Leum El pahng-lol in som liki ma luhn facluh nuh kwewa lal in molwelah sucu lal in tiac kuhnausyucklac. Ke sahlahiyacn moul lal, el srackna fahkwack nuh sin tuhlihk nahtuhl. Oacna Mwet Lahngo—ac macnsiskuhnlah kuh lal in mokle insiaclos ac in liye pacl fahsrh uh kwewana ahsor ac wolacna—Lehi el ahsroelah pahol in kohllah sucu lal nuh ke molwelah.

Mihsenge mwet miliacn ke elaksraonak lal Pahpah Lehi ahkpwacyeye finsrak lal nuh selos.

Meac kowos ac nga kuh in oruh in lutlutkihn mwe srihkasrak lal Lehi uh? Kuht kuh in eis ke mwe srihkasrak lal ke pruhe in lutlutkihnyacn ma suhmuhsrah ac in tuni.

Nga muh kowos in nuhnkuh kwewa ke pacl fototo ac pacl loeloes ke kowos ac srihke in sang mwe usru luhn finsrak nuh sin sucu lowos an. Ke pacl fototo, ac fah oasr pacl upac ac Setuhn elac srihfe kuht yohk. Ac oasr ma in mongfihsracsruhpan, ke luhlhlafongi, in etuh lah Leum El oruh ke pacl Lal ac ke ohiyac Lal sifacna.

Oasr ma kowos kuh in sana oruh, ke mwet kowos luhngse an fuhsr uh. Esam lah pruhe luhn sucu pengana lwen, lutlutkihn ma suhmuhsrah luhn sucu, ac akacsruhi ke fahkwack luhlhlafongi lasr ke toeni ke kuhfa luhn Leum uh fihsracsruh ac wolac kuhtuh

ke tuhlihk uh fuhsr uh. Tuhlihk fuhsr uh kwacna acsmak yohk nuh ke Nguhn likina akihlen lasr.

Ke elos mahtuhlah uh, elos fah esam on ma elos wikowos yuck ah. Finne yohk liki esam on an, elos fah esam kahs luhn ma suhmuhslah ac fahkwack luhlahlfongi. Nguhn Muh-tahl kuh in use ma nuh kwewa nuh ke esam lalos, tuhsruhkh kahs ke ma suhmuhslah ac on in alu fah oan paht. Mwe acsmakihn uh fah moklwaclos in fohlohk ke elos fahsr tuhlah ke kihtin pacl uh, kuh pac in sun lusen yac, liki inkacnek nuh lohm ah nuh ke moul ma pahtpaht.

Kuht ac enenuh nuhnak nuh ke pacl loeloes ke mwet kuht luhngse uh puhlah mokleyuck luhn facluh ac puhlah luhn suhmuhngnguh luhman ahkupacye luhlahlfongi lalos. Oasr luhlahlfongi, finsrak, ac luhngse pwacye lasr in kol kuht ac in ahkfokokoye kuht.

Nga liye tari kac ke nga ekihn mwet in kahsruh se nuh sin luo sin

mwet pahluh moul luhn God. Elos kais sie mwet ma siena ohiyaclos. Tuhsruhkh elos akacsruhi ke sie luhlahlfongi tiac tui. Ke mwet se ac sruhkwack fahk elyah lah ke sie ma ke Alu uh, top lalos an kwacna ohingse “O, ma nuh kwewa ac wo.” Elos inkaiyacn pacl uh etuh yohk ke elyah sacn likina mwet ma fahk kac an.

Elos etuh pac inkacnek luhn Leum, ac oruh elos finsrakkihn pacl nuhkwewa ke tohkohsrahi Lal. Elos etuh lah El kol Alu Lal uh. El kuh liki nuhkwewa ac El elyahkihn ma uh. Kowos fin lwelah nuh Sel in mwet kol se ke sucu lowos an, ma nuhkwewa ac oreklac fal.

Kuhtuh sin mwet ke elaksraonak lal Heinrich Eyring uh tiac ukwe ma suwohswohs uh. Tuhsruhkh puhs sin tuhlihk nuhtin tuhlihk nuhtin nahtuhl som nuh ke tempuhl luhn God ke ao 6:00 ke lututacng in oruh akwuck luhn mwet mahtuh somlah suc elos soenna ohsun nuh se. Elos som ke srihpen mwe usru luhn finsrak ma el

fhliyac. El fhliyac sie mwe usru ma fwackyuck tari sin mwet elaksraonak puhs lal.

Tukun ma nuhkwewa kuht kuh in oruh ke luhlahlfongi uh, Leum Elac fah ahkwacyei finsrak lasr uh nuh ke mwe insewowo yohk nuh sin sucu lasr liki na motkweyac sesr. El luhngse ma ac wo emet nuh selos ac nuh sesr, in ekihn tuhlihk Nahtuhl.

Kuht nuhkwewa tuhlihk nuhtin God moul se. Jisus luhn Nazareth pa Wen Kuloh Nahtuhl ac Mwet Lahngo moulyak se lasr. Pa inge Alu Lal uh. Ke Alu se oasr ki luhn pristut, ac oruh sucu uh kuh in ma ne tok ma pahtpaht. Pa inge mwe usru sacohk luhn finsrak lasr uh. Nga fahkwack lah ma inge pwacye ke inen Jisus Kraist, amen.

#### **MWE KAHSRUH**

1. Liye Henry Eyring *Reminiscences*, circa 1896, typescript, Church History Library, 16–21.
2. Liye Abraham 3:24–26.
3. Liye 3 Nephi 10:5.